

**Protocol da la radunanza generala da la  
SOCIETÀ LÖ D'INSCUNTER LAVIN**



**als 27 marz 2024, 20.15h illa Stüva da Cussagl a Lavin**

Preschaints: 25 persunas (vair la glista da preschentscha acclusa) e nos president Padruot Fried  
S-chüsats: Anita e Albert Burkhalter, Nutala Messmer, Astrid Casura, Otto Denoth, Buolf e Cilgia Nogler, Linard Marugg, Antonetta ed Andrea Nogler

### **1. Bivgnaint**

Nos president Padruot Fried das-cha salüdar a 25 commembras e commembers a quista radunanza generala. Il president constata cha la radunanza es gnüda convocada tenor ils tschantamaints e perquai abla da trar decisions.

La glista da tractandas vain approvada da la radunanza unanimamaing.

### **2. Tscherner ün scrutinadur / üna scrutinadura**

Sco scrutinadura vain tschernüda Berta Marugg da Scuol.

### **3. Preleger ed approvar il protocol da la radunanza dals 29-03-2023**

Il protocol da la radunanza generala dals 29 marz 2023 vain prelet ed approvà unanimamaing.

### **4. Approvar il rapport da gestiun**

Il president Padruot Fried prelegia il rapport da gestiun chi cumpiglia la perioda dals 30 da marz 2023 fin als 27 marz 2024. Id han gnü lö duos sezzüdas da suprastanza, üna a Scuol ed üna a Lavin. Eir ils cuors han gnü lö cun üna sesantina da participantas sco planisà ed il rebomb als 8 cuors ed als referats fich variats d'eiran fich positivs. Nos president ingrazcha fich al comitè d'organisaziun.

La situaziun finanziaria es fich allegraivla ed es circa equilibrada grazcha a la buna partecipaziun als cuors ed als sustegns finansials dal Chantun Grischun, da la Corporaziun Energia Engiadina e dals ses cumüns, Zernez, S-chanf, La Punt-Chamues-ch, Val Müstair, Valsot e Scuol. Nos quint muossa entradas da frs. 29'642.89 e sortidas da frs. 30'085.30, dimena üna pitschna perdita da frs. 442.41. Per la prüma jada quist on ha nossa chaschiera Erica Bischoff fat la bilantscha e'l quint final per nossa società. Cun quai vain pudü annular il contrat da collavuraziun cul fiduziari Accontaris a Scuol e spargnar quels raps pels cuors e pels referats. Il numer da commembras e commembers s'ha augmentà per 2 ed es uossa a 181. Allegraivel es cha diversas duonnas giuvnas sun entradas quist on in nossa società. Padruot Fried ingrazcha fich a tuots chi han contribui al success da nossa società da quist on, spezialmaing eir a la pressa chi ha rapportà da nossas activitats scu eir als organs da nossa società cul team e la suprastanza sco eir als revisurs da quint, Fadri Häfner da Guarda e Armon Bezzola da Zernez.

Il rapport da gestiun vain approvà unanimamaing.

## **5. Rendaquint 2022 e rapport dal revisurat**

La chaschiera Erica Bischof preschainta il rendaquint 2023 chi muossa pro entradas da frs. 29'642.89 e sortidas da frs. 30'085.30 üna pitschna perdita da frs. 442.41.

Fadri Häfner prelegia il rapport dal revisurat. Ils revisurs da quint Armon Bezzola e Fadri Häfner han revais il rendaquint e la contabilità ed han chattà tuot in bun uorden. Els propuonan d'approvar il rendaquint e dar dis-charg a la suprastanza, quai chi vain fat da la radunanza unanimamaing.

## **6. Approvar il preventiv 2023**

La chaschiera Erica Bischof preschainta il preventiv 2024 chi prevezza pro entradas da frs. 29'000.- e sortidas da frs. 30'200.- ün pitschen deficit da frs. 1'200.-. Il preventiv vain acceptà da la radunanza unanimamaing.

## **7. Fixar las contribuziuns da las commembranzas 2024**

Las contribuziuns ed ils cuosts pels cuors restan sco ch'els d'eiran fin uossa.

Las contribuziuns per las commembranzas da frs. 30.- per singuls, frs. 50.- per conjugals e famiglias, e frs. 80.-- per personas giuridicas vegnan approvadas unanimamaing e restan sco fin quà.

## **8. Program da lavur 2024**

Berta Marugg preschainta üna survista dals 9 cuors manuals ch'ellas fan quint da scriver oura. Erica Bischoff preschainta ils temas dals 7 referats dals cuors chi cumainzan als 22 october 2024 e d'uran fin als 10 december 2024. Eir quist on es il program dals cuors e dals referats fich varià ed interessant. La radunanza ingrazcha al comitè per sia gronda lavur.

## **9. Propostas inoltradas da commembras o commembers (art. 14, alinea 4 dals tschantamaints)**

I nu sun entradas ingünas propostas.

## **11. Varia**

Displaschaivelmaing ha Berta Marugg dat la desditta. Nus ingrazchain ad ella per sia lavur prestada e la successiun vain reglada aint il team.

Jachen Erni, nos commember d'onur, fa ün cumpliment per nos sustegn da frs 2'000.- per la nouva « Homepage » sco eir per frs. 500.- sco fit per la chasa Fliana. Insè spordscha la Fundaziun Chasa Fliana a nus l'adöver dals locals gratuitamaing ma natüralmaing san els eir drovar ils raps per cuernar lur expensas.

Nos president ingrazcha a la suprastanza, al comitè, als revisurs da quint, ad Anna Margaritta Filli per preparar la sala ed a tuot ils preschaints per la cumparsa e das-cha serrar la radunanza a las uras 21 :12.

Scuol, 10 avrigl 2024

In buna fai, l'actuara

Tina Bott - Margadant

Persunas preschaintas :

Claudia Caprez, Zuoz  
Annina Erni, Scuol  
Jachen Erni, Scuol  
Tina Bott, Scuol  
Anna Margaritta Filli, Lavin  
Ursina Ganzoni, Sent  
Mathilda Pernisch, S-chanf  
Christiana Willy, Zuoz  
Dumeng Bischoff, Scuol  
Erica Bischoff, Scuol  
Berta Marugg, Scuol  
Fadri Häfner, Guarda  
Armon Bezzola, Zernez  
Nuot Filli, Zernez  
Mengiafila Luzzi, Ramosch  
Anna Maria Huber, Scuol  
Cla Denoth, Ftan  
Elena Caligori, Cinuos-chel  
Christa Pinggera, Zernez  
Andri Luzi, Cinuos-chel  
Duri Denoth, Sent  
Mengia Bonifazi, Lavin  
Curdin Bonifazi, Lavin  
Annastasia Parli, S-chanf  
Annapatrizia Richert, Bos-cha  
Padruot Fried, Lavin